



Republika e Kosovës  
Republika Kosova - Republic of Kosovo

ZYRA E RREGULLATORIT PËR ENERGJI  
REGULATORMI URED ZA ENERGIJU  
ENERGY REGULATORY OFFICE



Prishtinë, me 24.02.2023

Për: Z. Evetar Zeqiri, Kryeshef Ekzekutiv, KOSTT SH.A

Nga: Z. Ymer Fejzullahu, Kryesues i Bordit të ZRRE-së.



Nr. 111/23  
Data 24.02.2023

**Lënda: Njoftim lidhur me shkeljet e konstatuara për blerjet e energjisë elektrike, pagesat dhe nomimimet nga Operatori i Sistemit të Transmisionit (KOSTT SH.A.)**

I nderuari z. Zeqiri,

Zyra e Rregullatorit për Energji (ZRRE) ka përfunduar Raportin lidhur me blerjet e energjisë elektrike, pagesat dhe nomimimet nga Operatori i Sistemit të Transmisionit (KOSTT SH.A.) i cili i është prezantuar Bordit të ZRRE në mbledhjen e datës 27.01.2023.

Bordi i ZRRE, pas shqyrtimit të Raportit dhe përgjigjet e pranuar nga KOSTT SH.A., ka nxjerrë Njoftimin mbi shkeljet e konstatuara e që kanë të bëjnë me blerjet e energjisë elektrike, pagesat dhe nomimimet nga Operatori i Sistemit të Transmisionit (KOSTT SH.A.), dhe në pajtim me Nenin 57 par.7 të Ligjit për Rregullatorin e Energjisë, ju njofton se mund të përgjigjeni me shkrim për shkeljet e konstatuara, brenda katërmëdhjetë (14) ditësh nga data e pranimit të këtij Njoftimi.

Bashkëlidhur me këtë shkresë gjeni Njoftimin për shkeljet e konstatuara lidhur me blerjet e energjisë elektrike, pagesat dhe nominimet nga Operatori i Sistemit të Transmisionit (KOSTT SH.A.).

Me respekt,

Në emër të Bordit të ZRRE-së

  
Ymer Fejzullahu,  
Kryesues i Bordit të ZRRE-së





**Republika e Kosovës**  
**Republika Kosova - Republic of Kosovo**

**ZYRA E RREGULLATORIT PËR ENERGJI**  
**REGULATORNI URED ZA ENERGIJU**  
**ENERGY REGULATORY OFFICE**



Prishtinë, 27 janar 2023  
Kodi i ZRRE-së: Nj\_02\_2023

**Bordi i Zyrës së Rregullatorit për Energji** në pajtueshmëri me dispozitat e Nenit 9, Nenin 16, Nenin 25, Nenin 28, par.1 dhe 2, Nenin 30, par.1, Nenin 55 par. 1, nënpar. 1.5, Nenin 56 par. 1 nënpar. 1.2, dhe Nenin 57 par. 7 të Ligjit për Rregullatorin e Energjisë Nr. 05/L-084, Nenin 16 par. 1.22, Nenin 19 dhe 22 par. 2 dhe 3, Nenin 32 par. 3 të Ligjit për Energjinë Elektrike Nr. 05/L-085, Nenin 2, par. 2.1.2, 2.1.3 dhe 2.1.6 të Rregullave të Tregut, Nenin 8 par. 1 të Procedurës për Tregtimin e Energjisë Elektrike, Nenit 12 dhe Nenin 13 par. 2 të Rregullës për të Hyrat e OST/OT-së, Nenin 9 të Kontratës për Shërbimet e Rezervës Manuale për Restaurimin e Frekuencës, Nenin 3, Nenin 4, Nenin 5, Nenin 7, Nenin 8 dhe Nenin 9 par. 6 të Rregullës Nr. 06/2017 për Masat Administrative dhe Gjobat, Nenin 3, Nenin 28 dhe Nenin 37 të Licencës Nr. ZRRE/Tr\_15/17 për KOSTT SH.A., ka shqyrtuar përgjigjet e "KOSTT" SH.A., ndaj Raportit të Monitorimit në lidhje me blerjet e energjisë elektrike, pagesat dhe nomimimet për Operatorin e Sistemit të Transmetimit (KOSTT), dhe në mbledhjen e mbajtur me 27.01.2023 nxjerr këtë:

## **NJOFTIM**

**Lidhur me shkeljet e konstatuara për blerjet e energjisë elektrike, pagesat dhe nomimimet nga Operatori i Sistemit të Transmisionit (KOSTT SH.A.)**

Zyra e Rregullatorit për Energji (në tekstin e mëtejshëm: ZRRE) në përputhje me kompetencat e dhëna me Ligjin për Rregullatorin e Energjisë, ka bërë monitorimin në lidhje me blerjet e energjisë elektrike pagesat dhe nomimimet për Operatorin e Sistemit të Transmetimit (në tekstin e mëtejshëm: KOSTT SH.A.).

Monitorimi ishte i fokusuar në mbledhjen, vlerësimin, analizimin dhe evidentimin e devijimeve nga parimet e ligjshmërisë, dhënien e opinionit të pajtueshmërisë lidhur me tregtimin e energjisë elektrike, dhe nëse aspektet materiale dhe procedurale janë kryer në përputhje ose jo me dispozitat ligjore në fuqi.

ZRRE në kuadër të monitorimit në lidhje me blerjet e energjisë elektrike pagesat dhe nomimimet për Operatorin e Sistemit të Transmetimit (KOSTT) ka përgatitur një raport me të gjeturat të cilin ja ka prezantuar Bordit të ZRRE-së.

Bordi i ZRRE-së, në mbledhjen e mbajtur më datë 16.11.2022, ka shqyrtuar të gjeturat në Raportin e përgatitur nga ekspertët e ZRRE-së dhe më datë nëntor 16.11.2022, përmes dokumentit *Raporti i Monitorimit* në lidhje me blerjet e energjisë elektrike, pagesat dhe nomimimet për operatorin e sistemit të transmetimit (KOSTT), ka njoftuar palën lidhur me të gjeturat e monitorimit.

Poashtu, Bordi i ZRRE-së, bazuar në Nenin 7 par. 2 të Rregullës për Masat Administrative dhe Gjobat, ka kërkuar nga "KOSTT" SH.A. që në afat prej 15 ditë kalendarike të ofroj përgjigjet me shkrim lidhur me të gjeturat në Raport.

1



“KOSTT” SH.A., me datë 02.12.2022 ka dërguar përgjigjet/komentet në Raportet e Monitorimit për blerjet e energjisë elektrike pagesat dhe nomimimet për operatorin e sistemit të transmisionit (KOSTT) të datës 16.11.2022, duke paraqitur përgjigjet në të gjeturat dhe konstatimet e evidentuara nga Raporti i Monitorimit të ZRRE-së.

Bordi i ZRRE-së, në mbledhjen e mbajtur me datë 27.01.2023 ka shqyrtuar përgjigjet/komentet e dërguara nga “KOSTT” SH.A., ndaj *Raporti i Monitorimit* në lidhje me blerjet e energjisë elektrike, pagesat dhe nomimimet për operatorin e sistemit të transmetimit (KOSTT), dhe ka konstatuar se janë evidente shkeljet e konstatuara përmes raportit të Monitorimit, si dhe ka kërkuar sqarime shtesë, në lidhje me aktivizimin e mFRR dhe kostot e shkaktuara për periudhën monitoruese.

ZRRE me datë 31.01.2023 i ka dërguar KOSTT SH.A., kërkesën për të ofruar sqarime lidhur me aktivizimin e mFRR, arsyet e refuzimit të ofrimit të shërbimit nga KESH si palë Ofertuese e Shërbimit, Kostot e devijimit për shkak të refuzimit të mFRR, si dhe Kostot e mFRR, të realizuara sipas dakordimeve mujore.

ZRRE bazuar në të dhënat e dërguara nga KOSTT SH.A., për periudhën raportuese vlerëson se, në disa raste Pala Ofruese e Shërbimit (POSH) ka dështuar të siguroj energjinë e deklaruar për aktivizimin e mFRR, me ç’rast janë shkaktuar devijime ndaj sistemit interkonektiv. Sipas Kontratës për Shërbimet e Rezervës Manuale për Restaurimin e Frekuencës mes palëve KOSTT dhe KESH si POSH, respektivisht Neni 9, në rast se POSH i mFRR dështon të aktivizoj në tërësi ose pjesërisht kapacitetin e deklaruar paraprakisht dhe të kërkuar nga KOSTT, atëherë POSH i mFRR i nënshtrohet përgjegjësisë së mekanizmit balancues në zonën LFC ku ai operon.

Po ashtu siç është paraqitur në Raportet e KOSTT SH.A. lidhur me aktivizimin e mFRR si dhe sipas deklarimeve në takimin e mbajtur më 30.01.2023, në disa raste KOSTT SH.A., nuk ka zbatuar Nenin 9 të kontratës mFRR duke marrë përsipër edhe kostot e devijimeve të shkaktuara nga mosrespektimi i aktivizimit të mFRR nga ana e POSH. Për më tepër, KOSTT SH.A., ka aktivizuar mFRR edhe në rastet kur nuk ka qenë e nevojshme, por është aktivizuar për nevojat e balancimit të sistemit.

Rrjedhimisht vlen të theksohet se bazuar në Rregullën për vendosjen e të Hyrave të Lejuara Maksimale të OST dhe OT, në kuadër të të hyrave të lejuara ZRRE përcakton edhe Kostot e lejuara për shërbimet ndihmëse, pjesë e të cilave janë rezervat rregulluese automatike dhe manuale, e për të cilat KOSTT SH.A., ka dështuar ti përmbush detyrimet e tilla duke vepruar në kundërshtim me kërkesat ligjore.

ZRRE konstaton si në vijim:

- KOSTT SH.A., duke mos-vepruar me kohë në zbatimin e dispozitave përmbartimore sipas kontratës mes palëve, ka shkaktuar probleme financiare dhe ka rrezikuar stabilitetin financiar të KOSTT SH.A., e cila si kompani publike do duhej të reagoje me kohë.
- KOSTT SH.A., nuk ka zbatuar garancionin financiar, duke vepruar në pa-pajtueshmëri me Nenin 8 të Rregullave të Tregut dhe me Procedurën e Rregullave të Tregut për Garancionin Financiar.
- KOSTT SH.A., nuk ka vepruar në pajtueshmëri me Nenin 28, par.1 dhe par. 2 dhe Nenin 30, par.1 të Ligjit për Rregullatorin e Energjisë, Nenin 32, par.3 të Ligjit për Energjinë Elektrike, dispozitat e Nenin 2 par. 2.1.2, 2.1.3 dhe 2.1.6 të Rregullave të Tregut dhe Nenin 8 par. 1 të Procedurës për Tregtimin e Energjisë Elektrike.
- KOSTT SH.A., tregtimin e energjisë elektrike me KEK SH.A., për energjinë e pa-faturuar për pjesën veriore të Kosovës e ka bërë në shkelje të Nenin 22 par. 2 dhe 3 të Ligjit për Energjinë Elektrike;



- KOSTT SH.A., ka bërë shkelje duke mos shfrytëzuar të gjithë mekanizmat e paraparë me kodin e balancës, nenit 2.5.1.1, për të parandaluar shfaqjen e mungesës së energjisë (masat e ndërmarra si importet, injektimet apo veprimet balancuese nuk mund të plotësojnë kërkesën totale), por ka kaluar direkt në mekanizmin e fundit duke urdhëruar KEDS-in që të aplikoj reduktim të ngarkesës në rrjetin e shpërndarjes.
- KOSTT SH.A., ka vepruar në shkelje të Nenin 9 të Kontratës për Shërbimet e Rezervës Manuale për Restaurimin e Frekuencës e lidhur me KESH si Palë Ofruese e Shërbimit (POSH), duke ndikuar në kostot e operimit të KOSTT SH.A., e rrjedhimisht edhe të konsumatorët fundor, pasi që një kosto e tillë e mFRR, është kosto që njihet me aprovimin e të Hyrave të Lejuara Maksimale të KOSTT SH.A. konform Nenit 12 të Rregullës për të Hyrat e OST/OT-së;
- KOSTT SH.A., me aktivizimin e mFRR për nevoja të balancimit të sistemit ka vepruar në kundërshtim me kërkesat ligjore të Nenit 13 par. 2 të Rregullës për të Hyrat e OST/OT-së.

Andaj, bazuar në konstatimet e cekura më lartë, Bordi i ZRRE-së vlerëson se konstatimet e lartcekura janë bazë e mjaftueshme për aplikim e dispozitave ndëshkimore të përcaktuara me Nenit 57 paragrafi 2 nënparagrafet 2.8 dhe 2.14 të Ligjit për Rregullatorin e Energjisë, dhe Nenit 9 par. 1 nënpar. 1.8 dhe 1.14 të Rregullës për Masat Administrative dhe Gjobat, si dhe dispozitave ligjore të cekura në hyrje të këtij njoftimi.

Bordi i ZRRE-së, në pajtim me dispozitat e Nenit 57 paragrafi 7 të Ligjit për Rregullatorin për Energji, lëshon këtë **NJOFTIM**, me të cilin ju njofton se mund të përgjigjeni me shkrim për shkeljet e gjetura, brenda katërbëdhjetë (14) ditësh nga pranimi i këtij njoftimi.

Në emër të Bordit të ZRRE-së,

Ymer Fejzullahu

Kryesues i Bordit të ZRRE-së.

